

欽定大清會典事例

欽定大清會典事例卷八百七十四

工部

營房 各省營房三

道光元年直隸省天津設立水師鎮營汛於東城外陳塘莊並海口等處添設墩臺營房五處計房三十間。○又河南省項城縣屬新興集移建兵房五十七間並教場一處。○又河南省濬縣道口鎮添設把總衙署一所房十三間城內外委住房三間二處兵房五十間。○又陝西省甯陝廳境內湯坪河等十八處建兵房煙墩房

一百八間牌坊戍樓各一座。○又陝西省陝安鎮標右營移紮白土關地方。建卷棚一座。房三間。馬棚二座。房三十五間。馬夫宿房十七間。○又陝西省洵陽營。建軍庫房六間。藥局房六間。○又湖北省鄖陽城守營。並分防鄖西縣守備。建軍裝火藥局庫房十間。○又湖北省鄖陽鎮標右營分駐豐溪汛守備。建軍裝火藥局房四間。○又奏准四川省甯遠府屬漢夷雜處。將建昌鎮屬移改普格等汛。越嵩營移改新基姑。會川營分防苦竹壩。會鹽營分防阿所拉。建千總

把總等官衙署。兵房二百六十三間。○又廣東省龍川汛。移建守備衙署一所。卷房三間。兵房六十間。軍裝火藥局箭亭各一座。老隆汛。添建千總衙署一所。兵房十間。龍川之千總衙署。移撥外委居住。將原駐歸善縣城守備衙署一所。卷房三間。變價。移建河源縣汛。添建外委住房一所。兵房二十五間。○又廣東省大埔坪佛岡地方。另於燕嶺添建把總衙署一所。兵房三十間。○又雲南省雲州猛緬二屬。於猛緬廳沿邊一帶。建把總衙署一所。額外住房一所。兵房六

十間。汎塘四座。官廳十二間。照壁四座。牌坊八座。望樓四座。煙墩十二座。旗杆四棵。○又陝西省金鎖關營。建馬神廟一座。房三間。殿前卷棚三間。馬棚並兵丁住房四間。○又甘肅省狄道州墩臺營房十處。各添建汎房二間。○又甘肅省徽縣原設墩臺八處。添修煙墩五座。木牌坊一座。官廳一間。永甯鎮等七處。建汎房三間。○又江蘇省通州大東竈港南首適中要隘之處。添設卡房兩間。小坦地方。逼近海邊。添設營房三間。並於南首添設卡房兩間。又大坦地方。添

設營房三間。又浙江省温州鎮標左營。建春藥房四間。提煮硝磺研炭房二間。官兵守宿房三間。又閩浙象山協左營。建軍裝局房二間。火藥局房二間。兵房二間。又浙江省温州鎮標中營。建春藥房三間。提煮硝磺研炭房各一間。兵房三間。又浙江省衢州鎮標左營。建春藥房二間。研炭房一間。提煮硝磺房一間。兵房三間。二年。熱河平泉州。添建八溝營兵房五十間。又直隸省大名協左營。添建演武廳十間。碉樓照壁將臺三座。杜勝營。添建演武廳六

開將臺照壁二座。開州營。添建演武廳十間。並
將臺照壁。○又河南省桐柏內鄉新野等縣。添
建把總等官衙署。並兵房軍庫共三百十四間。
○又陝西省洵陽營。建馬神廟一座。房三間。卷
棚三間。馬棚兵房共十二間。○又甘肅省鎮坪
營。建軍庫房八間。藥局房四間。○又四川省綿
州營。建都司等官衙署倉廩軍藥庫局演武廳
等房七十二間。○又江蘇省通州西亭等十七
汛。建營房五十一間。○又福建省臺灣噶瑪蘭
地方。建校場演武廳共十四間。○又陝西省漢

中鎮洋縣境內石墩子河大河壩良心河塘汎
各修塘房三間。大門一間。煙墩五箇。墩臺一座。
○又陝西省甯陝鎮石泉縣境內斬龍壩榆樹
果_三處塘汎各修兵房五間。煙墩房三間。戍樓
一座。煙墩五箇。牌坊一架。○又浙江省定海鎮
右營。建春藥房八間。○又江西省上饒縣於螺
螄尾源口二汎額設防兵內抽撥兵四名。移紮
錢邨。又於廣豐縣脫衣塘汎額設防兵內抽撥
兵二名。移紮水洋坑螺螄尾等汎。添建塘房六
間。○又湖南省永明縣屬新關口。建卡房三間。

○又湖北省鄖陽鎮左營。建火藥局六間。頭門三間。堆房二間。碾房二間。官廳三間。照壁圍牆各一道。○又廣東省番禺縣。建大黃溶礮臺一座。周圍六十丈。臺內建弁署三間。兵房二十四間。火藥局一間。神廳一間。○又廣東省吳川營。建火藥局房五間。○又廣東省陽江鎮標左營。建兵房三十間。○又廣東省東莞縣。添建大虎山礮臺一座。拱臺城樓一座。敵樓一座。望樓一座。弁署三間。兵房二十八間。軍裝局一間。火藥庫一間。廟宇三間。更樓二間。○三年。

諭。盛京金州旅順海口。從前設立水師營。兵丁舵工水手六百名。每名給予官房二間。共一千二百間。遇有坍塌損漏。均係該兵等捐餉修補。茲據該將軍等查明該處營兵。現在攜眷居住之兵。僅有一百八名。餘皆隻身合夥居住。止占用官房三百八十間。再以堪住官房二十間。作為官兵辦事公所。足敷應用。此外八百間。俱屬糟朽損壞。空閒無用。若每年仍令兵丁捐餉修理。殊形苦累。著照所請。將原設官房一千二百間。擇其整齊者。酌留四百間。俾資棲止。其餘即著拆毀。減價估變銀兩。解交盛京戶部銀庫查收存貯。

○又陝西省鎮安城守營。移紮鎮安縣城。建馬棚等房二十三間。○又陝西省固原提督所屬之邠州營。建馬棚等房十八間。○又江蘇省海州營。添建都司千把總等官衙署演武廳軍裝庫火藥局。○又廣東省陸路提標右營之河源縣屬魚種廟老虎凹老虎膺等三處地方。各添建兵房三間。○又廣東省和平營新設分水坳汛。建外委公署住房三間。兵房二十間。望樓一座。煙墩一箇。牌坊一架。又古塘鋪汛。建兵房十五間。○又

諭前據祿成奏歸化城等處所屬沙拉穆楞地方時有匪徒潛匿乘間盜劫請添設卡倫以資巡緝當交德英阿覆加查勘茲據該將軍查明該處地方遼闊稽察難周自係實在情形著照所請准其於西呼圖呼圖克圖所屬沙拉哈達哈布塔蓋二處派撥格斯貴二名黑徒二十名添設卡倫二處與原設各卡倫官兵一體按期會哨巡緝並責成該招達賴喇嘛棟岳特總理其事僕仍前容留游匪緝查不力即將該達賴喇嘛等褫革懲辦所有坐卡格斯貴等應給盤費准其在綏遠城糧餉廳庫貯餘贖廠地租銀內提銀

一萬兩。交歸綏道生息。照坐卡官兵盤費銀兩。減半發給。以示體恤。並准於沙拉哈達及哈布塔蓋地方。建蓋土房各二間。以資棲止。所需銀兩。亦由前項息銀內支給。工竣覈實報銷。該將軍即會同副都統。隨時輪往巡查。務期匪徒斂迹。以靖地方。○又浙江省溫州鎮標右營。在郡城西南二十一保。建軍裝房三間。官兵宿舍房三間。頭門三間。刀械房三間。藥鉛房三間。○又江蘇省海州營。於州城東門外甲子河橋西。建營房二間。西門外。蓄蕪河東。建營房一間。又於城內馬路口。建營房三間。

鼓樓下建營房一間。又安徽省盱眙縣蔣壩
迤南建營房三間，兵丁住房三間。又湖南省
提標左營建軍裝局三間，頭門一間，兵房四間，
圍牆一道。又在校場內建大藥局三間，頭門一
間，兵房四間，圍牆一道。四年，山東省沂州營
建大藥庫局三間，軍裝庫局三間，兵房二間，大
堂一座。又江蘇省如皋縣移建沈家圩二汛
營房六間，果家圩汛營房三間。五年，四川省
巫山縣建大昌營守備等官衙署，兵房演武廳
軍裝大藥庫局倉廩共房二百四十四間。又

陝西省略陽營。添建藥鉛庫房三間。兵房一間。
○又甘肅省西甯鎮屬鎮海協並哈拉庫圖兩
營。添建衙署兵房二百三十六間。○又浙江省
錢塘縣三墩鎮板橋地方。建坊汛營房三間。瞭
樓一座。牌坊一座。○又廣東省水師提標中營
之鎮遠大虎橫橋沙角蕉門南山各墩臺六座。
添建大藥局六間。○六年。山東省曹州鎮標中
右二營。添建軍裝火藥局庫房三十二間。○又
廣東省清遠縣。建清遠營守備衙署一所。千總
衙署一所。把總衙署二所。外委住房兵房共一

百四十四間。○又廣東省東莞縣。添建閩西山
弁署兵房藥局五十五間。○又雲南省永北廳
阿刺山地方。建把總衙署一所。房六間。外委住
房三所。各四間。新設四汛。各建操場官廳三間。
軍裝火藥庫局四所。各三間。三十二塘。每塘各
建官廳三間。牌坊二座。哨樓一座。煙墩三座。照
壁一座。汛塘兵房二百二十八間。○又雲南省
巧家汛。把總兵丁。移撥魯不得地方。建把總衙
署房六間。兵房四十間。○又浙江省處州鎮標
中營。建火藥局房十二間。○又浙江省昌石營。

建春配火藥房八間。○又陝西省略陽營何家
汛把總移紮黑河汛。建把總衙署兵房五十二
間。○又廣東省東莞縣於鎮遠礮臺後挖鑿濠
溝。大虎山礮臺添建石槽以儲淡水。香山縣屬
之蕉門礮臺後牆外石溝寬深。○七年山東省
單縣營建參將衙署瓦房七十九間。守備衙署
瓦房四十四間。火藥庫房三間。碾藥房三間。看
庫兵房二間。軍裝庫房六間。看庫兵房三間。又
柘源營建守備衙署瓦房四十三間。火藥庫房
五間。碾藥房二間。看庫兵房二間。演武廳三間。

退廳三間。劉家口汛。建軍裝庫三間。火藥庫三間。兵房二間。又單縣營。建演武廳六間。○又山東省曹州鎮屬東昌營。添建火藥庫三間。軍裝庫三間。兵房三間。○又陝西省留壩營。拆修遊擊千總把總衙署各一座。外委署房四座。兵房四百間。新建守備衙署一座。把總衙署二座。外委署房一座。兵房五間。軍器庫房一座。火藥局一座。○又陝西省佛坪廳。移紮漢中鎮屬陽平關營。守備一員。外委一員。額外外委一員。兵一百六十名。又西鄉營把總一員。建守備衙署一

座房三十間。把總衙署一座。房十二間。外委住
房二座。房四間。兵房一百六十間。軍庫房一座。
房五間。藥局一座。房八間。馬棚一座。房十一間。
校場演武廳一座。房六間。○又四川省重慶府
浮圖關。添設專汛。建千總衙署。兵房。箭廳。軍裝
庫局。共房一百十二間。○又雲南省大姚縣白
馬河等處。新設汛塘。建外委住房一座。房四間。
軍裝火藥局二間。卡房二間。汛塘兵房三十九
間。七汛塘。每汛建官廳三間。牌坊二座。哨樓一
座。煙墩三座。○又雲南省騰越廳。添設柵油房

平山二汛。黃連溝等八塘。建把總衙署一座。外委署房一座。汛塘兵房一百四十五間。軍裝庫二所。火藥局二所。倉廩一所。營門四道。○八年。江蘇省上元縣建草堂寺等九汛。營房五十二間。○九年。河南省盧氏縣城東。建火藥局三間。張築看守房二間。大門一間。周園院牆一道。○又喀喇沙爾庫爾勒屬之昆渠河卡倫。建兵房七間。○十年。江蘇省揚州營。於觀音寺地方。建把總衙署一所。房十二間。兵房二十五間。黎城鎮。建外委衙署一所。房七間。兵房十五間。○又

貴州省長寨營添建軍械局三間。改造或二三
門各一間。○又庫車製造火藥。修蓋諸熬硝磺
土房四間。兵丁看守房一間。碾土房二間。○十
一年。熱河豐寧縣林家營地方。移紮弁兵。建外
委衙署兵房三十八間。○又移河南省滑縣道
口汛把總駐白家道口。建衙署兵房四十間。○
又喀什沙爾移建蘇巴什軍臺房一所。上房五
間。廂房各三間。馬院內正房一間。馬棚九間。空
房二十一間。○又喀什噶爾鎮標中營。建碾藥
房四間。盛硝磺房四間。兵丁看守房三間。餵牲

畜土房二間。十二年直隸省大名鎮添設中
營員弁。建遊擊守備衙署各一所。千總衙署二
所。把總衙署三所。經制外委衙署三所。軍器庫
二間。火藥庫一間。碾藥房二間。看庫兵房一間。
○又廣東省東莞縣屬大角山。添建礮臺一座。
並城樓望樓。弁署兵房。神廟軍裝火藥局房。開
挖井濠。十四年河南省鄧州都司衙地方。於
鄧新營內抽撥外委一員。馬守兵二十名。移紮
巡防。建外委住房三間。兵房二十間。○又移廣
西省平樂府通判駐富川縣鍾山鎮。並移撥千

總一員。兵丁四十名。協防。建衙署。兵房。演武廳。共七十四間。○又甘肅省。大靖營。建炭房。兵丁房。二所。共四間。儲蓄火藥房。三間。補修小藥局。並碾造火藥房。六間。大門一間。○十五年。湖北省。隨州。小林店。建千總汛署一所。兵房十二間。界牌口。三合店。建經制外委額。外外委汛署二所。各兵房六間。殷家店。建額。外外委汛署一所。兵房六間。巖子河。青苔店。黃山。新集。尚市店。三道河。萬家店。等六處塘房。各建官廳三間。住房三間。廂房四間。里牌一座。瞭樓一座。煙墩五座。

○十六年。河南省河北鎮左右營。各建蓋火藥房三間。看守兵房二間。碾藥房三間。頭門重門各一間。內外圍牆各一道。○又陝西省略陽營馬棚被水衝沒。於西門外高阜。另建馬棚等房二十二間。○十七年。直隸省故城縣鄭家口。添建遊擊衙署一所。兵房八間。○又直隸省易州。添建

龍泉峪衙署兵房共三百七十三間。○又福建省臺灣鎮竹塹守備舊署。改為臺灣北路協標右營遊擊衙署。其竹塹守備移於淡水彰化交界之

大甲另於鎮標右營調撥千總把總外委各一員步戰兵二百名於大甲地方建守備千總把總衙署各一所外委公所三間兵房四十間並軍裝火藥庫局演武廳箭道亭裁臺灣鎮標左營把總一員戰守兵六十名移紮銅鑼灣建把總衙署一所兵房十二間又撥臺灣鎮左營外委一員戰守兵四十名移紮斗換坪建外委公所三間兵房八間○又江蘇省東海營添建火藥局房九間○十八年

諭熱河滿洲鑲白正藍二旗官兵營房逼近旱河地勢

低窪。屢被河水衝淹。茲據該都統履勘地勢。請將現在應修之二旗營房一百四十一間。移建高阜處所。俾得永免水患。著照此議辦理。其續估工料運腳銀九百四十六兩零。著熱河總管等籌款辦理。照估移建。○又湖南省錦田所楊家鋪等處。移紮同知通判遊擊守備把總。建文武衙署。兵房軍裝火藥庫局倉監等房。共八百四十一間。○十九年。陝西省略陽營。另建校場卷棚三間。演武廳三間。上廳房三間。廂房四間。照壁一座。旗臺一座。○又雲南省羅平寶甯二州縣。移撥弁兵。於董高寨

地方。建兵房八間。牌坊一座。煙墩三座。添設周洞邨一卡。建卡房一所。正房三間。左右耳房二間。牌坊二座。煙墩三座。○二十年。江蘇省廟灣營。添建軍裝庫二間。火藥局一間。兵丁宿房一間。○二十二年。直隸省天津等處海口。移紮將弁兵丁。建副將遊擊衙署各一所。都司衙署二所。千總衙署十四所。外委住房四十二間。兵房一千一百三十五間。墩臺七十座。各建營房八間。○又福建省漳州城守營都司。改駐埔頭地方。並撥額外外委一員。兵丁六十七名。建衙

署兵房箭道亭演武廳共十一間。二十三年。江蘇省常州右軍營火藥局添建樓房二間。二十四年。江甯京口右營軍裝庫一所。並看守兵房共三十五間。因江潮漲發。基址震裂。另行擇地遷建。又江甯京口右營火藥局一所。並鉛彈庫房兵丁位房共十四間。因瓜洲潮漲。溜逼灘岸。刷塌。另擇高阜遷建。又河南省陳州營。移建軍器庫房九間。又雲南省永善縣。與四川接壤。沿江之焦岩子。梓子邨。迴龍壩。淘筒口。小霧基。石板灘。那比渡等七處。建蓋防兵瓦

卡房七座。共二十一間。○二十五年。江甯城
守營添建藥庫三間。碾藥房一間。○又奉天府
金州。建蓋礮房十間。礮臺九座。排釘木椿八十
一根。添置煙墩二十七座。復州挑挖戰壕長一
千八十丈。添置煙墩七座。熊岳建蓋礮房一間。
修築土牆十四丈四尺。挑挖戰壕八十丈。添置
煙墩二座。水師營排釘木椿九百七十根。挑挖
戰壕三百丈。堆壘石塊二百三十堆。甯遠建蓋
礮房三間。修築土牆三十丈二尺。挑挖戰壕三
百丈。堆壘石塊一百堆。錦州建蓋火藥局七間。

批它戰壕一百五十丈。○二十六年。奉天府屬
添設捕盜弁兵。於昌圖承德新民廣甯錦縣遼
陽甯遠義州開原鐵嶺海城各廳州縣。建蓋兵
房一百八十八間。○二十七年。廣東省威遠等
六臺。添建兵房二十八間。軍裝局二間。火藥局
二間。並拆造原建兵房一十八間。○二十九年。
陝西省延綏鎮標左營。建馬神廟一座。房三間。
馬棚二座。房二十六間。草料房二座。兵丁住宿
房一座。共六間。大門一座。房一間。○咸豐元年。
東陵添建大汛一處。撥房六間。小汛二處。○二年。江西

省賴州府大龍堡觀音閣地方。添建兵房四十
四間。下寨山馬廟寨新嶺添設塘汛。各建兵房
五間。南徑墟建外委住房一所。營房十四間。
又河南省濟縣翻蓋營房九間。七里鋪建營房
八間。並卡房官廳共二十間。○三年。湖南省新
甯縣城內。添設新平營。建守備衙署一座。外委
官房一所。兵房一百二十間。軍裝局一座。火藥
局一座。演武廳一座。城外梅溪口。移紮千總一
員。建衙署一座。兵房五十間。演武廳一座。○又
陝西省潼關城外。十二連城。改為十二連寨。每

寨里許添建營房共二十四所。○四年杭州乍浦綠營修建兵房四百九十間。○九年和闐城西北之大寶河子。迪西之五家灘。東北之草卡子。迪南之北孜里。東南之多浪克。里雅爾。迪東之微托。胡拉克。搭克。努。拙。迪西之阿恰。晉等七處地方。每處卡汎各修蓋兵房七間。○同治元年。烏什城垣添蓋各營兵房八十九間。雅滿素貢古克魯克。二卡倫。建兵房三十二間。○五年黑龍江呼蘭添設台站。建官房三間。大門一間。料房一間。○七年直隸省天津河東善緣庵建

造軍火庫房五間。並挑挖長壕一道。又

盛京建設演練洋槍兵房十五間。抱廈三間。大門一開。○八年。福建省金門右營。移紮湄州。建遊擊守備衙署各一所。千把外委衙署合為一所。兵房二十四間。軍裝局一座。離寨二里許。建設汛房一座。礮臺一座。○九年。福建省修蓋各營塘汛兵房一百五十四間。演武廳十一處。○又福建省隘口地方。建遊擊守備千總把總衙署各一座。外委額外兵房四十八間。軍裝局庫箭道廳各一所。並砌築石寨。開挖河溝。修復井尾。

鄉外委衙署一座。○十年。庫倫設立礮臺十二座。橫木鹿角柵各十二周。礮臺上安設女牆。周圍七丈餘。高八九尺。寬一丈四五尺。印房。迤東。修蓋官舍五十六間。並建造火藥庫房三間。○十一年。甘肅省安插就撫回衆。添設化平營都司。建衙署一座。兵房一百四十間。軍庫一所。火藥局一所。馬棚一所。○十二年。伊犁建佐領衙署一所。十六間。兵房一百間。○光緒二年。山東省煙臺通伸崗。建東北角礮臺一座。太平蓋九間。中心走輪礮臺一座。東南角礮臺一座。太平

蓋五間。臺上槍牆。西南西北露天礮臺兩座。圩中望樓一座。營門一座。○又

盛京

興京新設馬步隊營房二所。大門各三間。大廳各三間。抱廈各一座。火藥軍器庫各三間。住房各八所。各四十八間。圍牆長一百十六丈四尺。○四年。

盛京工部添建礮藥房五間。全礮四盤。○五年。江蘇省於上海吳淞口兩岸。建礮臺一座。共暗臺十一座。礮房十一間。礮洞十一門。明礮臺三座。

礮口六門。全台土牆及藥彈房十一間。裝配藥房二間。藥彈總庫二所。兵房三十一間。辦公房十五間。水池二區。上牆土坡一條。總門洞一座。石隄土隄木橋各一道。又江陰南岸之鵝鼻背小石灣大石灣黃山背與北岸之靖江十圩港劉聞沙天生港等處。建礮台十八處。計暗台七十一座。礮房七十間。礮洞七十一門。並護石泊岸踏步濠溝及藥彈房五十六間。小礮房一間。兵房九間。又鎮江南岸之象山江心之焦山北岸之江都縣都天廟三處。建礮台三座。暗台二

十四座礮房二十四間礮洞二十四門明台一
座礮口一門台牆護牆營牆石隄石碼頭長濠
及藥彈房三十二間藥彈總庫三所儲礮車房
四間兵房三十七間水池三方木橋一座又江
甯南岸之烏龍山並石磯頭與北岸之沙洲圩
南岸之下關等處建礮台四座共暗台二十座
礮房二十間礮洞二十門明礮台八座礮口十
八門台牆營牆石橋木橋石隄石營牆長壕水
池及藥彈房二十八間藥彈總庫一所依山甃
砌包三合土藥彈總庫一所包藥所一間水雷

房五間。藥彈房五間。又浙江省乍浦鎮海定海海門。温州。玉環等海口要隘二十五處。建礮台三十一座。內乍浦天后宮。保安城。陳山。澈浦。黃道關。各海口。改建大礮台四座。兵房火藥等房三十六間。鎮海招寶山小港口。定海莫家山。獺山。五奎山。東港浦。沿海一帶要口。建大小礮台六座。兵房礮房藥房營房九十八間。望台一座。營門一座。海門南北兩岸。牛頭頭。小和山等處要隘口。建聯珠礮台兩座。營房十二間。修改礮台兩座。温州東門外狀元橋。茅竹嶺。龍灣。暨

瑞安東山下並磐石。天后宮海口建大小礮臺
十三座。兵房官廳等房三十五間。玉環鷹捕寨
平陽龍巾尾山下洋埭浦口等處建礮台四座
營房九間。

欽定大清會典事例卷八百七十五

工部

物材

琉璃窯燒造琉璃甃瓦
蘇州窯燒造金甃
臨清窯燒造
木倉木

麻
灰石

琉璃窯燒造琉璃甃瓦。○順治初年定。專差漢司官一年更代。○康熙元年。差滿漢官各一人。筆帖式二人。滿官掣籤。漢官論俸。○十五年。改為三年更代。○十八年。仍照舊例一年更代。○二十年。議准。琉璃甃瓦大小不等。共有十樣。除第一樣與第十樣向無需用處。毋庸置議。其餘

甓瓦如各工需用令管工官先將應用實數覈
算具呈該監督照數請領錢糧黑鉛豫行備辦
除冬三月及正月嚴寒停止燒造餘月均以文
到日為始定限三月燒造送往工所管工官親
身驗看隨到隨收給發實收完日將實用過數
目及餘賸數目同實收送部覈銷○二十五年
題准各處工程需用甓瓦同時並造應用物料
恐不能齊其奇零工程所用甓瓦交與本工買
辦○三十三年覆准大小工程需用甓瓦仍交
與窯戶等備辦○又覆准凡窯戶均令該監督

擇身家殷實之人承充。仍取其地方官保結著
役。○四十年議准琉璃廠亮瓦廠房屋向例徵
收地租。今改為按開徵租。交與大興縣徵解。戶
部免其徵收地租。○又覆准琉璃廠房租。官員
有力之家徵銀。貧窮小民。即按季徵錢。○四十
一年覆准琉璃廠亮瓦二廠官地房租。官員富戶。
照常起租。其徵錢房屋。量免一半。隻身貧寒之
人。免徵房租。仍以官地起租。○雍正三年

諭琉璃廠亮瓦廠官地。每月按開計標徵租。相沿已久。朕
念兩廠多係流寓賃住。經營小民。情可憫惻。嗣後止

做地租免其按開計標逐月輸納。○八年議准燒造琉璃物件。第二樣至第九樣件數繁多。定例內未曾備細開載尺寸式樣。燒造之法未免參差。嗣後每樣燒造一件。上鐫年月日期並式樣名色。永存窯廠。飭令窯戶照依定式造辦。其各工取用物料。於初造泥坯之時。即將某年月日某工取用字樣印記在旁。再行燒造。俟辦齊呈明查驗。始運往工所。該衙門出具印文實收。知會過部。本部管工官亦照例出具實收。以備稽查。至正數應用之外。所餘物料。必開明數目報部。

僅有奇零黏補處。即可給發應用。其運價仍照例准給。再各處若取瓦料印文到部。營繕司於十日內覈算呈堂。給發印領。該監督親領錢糧封存公所。設一堂印號簿。令該監督將每日所用若干。逐一填明細數。完日將印簿呈繳待覈。再吻獸一項。向例隨所用瓦片樣數。覈給錢糧。但殿宇丈尺。各有高低廣狹之分。所用吻獸大小不一。不必隨瓦片覈算。嗣後按其應用尺寸。分析價值。給發燒造。○十年題准琉璃窰滿漢監督一年差滿。如一同更代。新委之人。恐一時

未能諳練。嗣後將滿漢監督留任一年。仍增委滿監督一人協同辦理。俟一年期滿。舊滿漢監督令其回任。再選漢監督一人同辦。嗣後每年新舊監督互相更代。乾隆三年奏准。琉璃瓦料。若造坯時即用某工印記。則此工之料不得用之於彼工。未用者存儲在廠。需用者燒造不及。轉致遲誤。即所餘物料。欲給奇零之用。又因有印記不便給發。嗣後瓦料均免用印記。又奏准。某工所領錢糧。拘定給發。則彼工之銀尚未用完。此工之銀。又未領到。難以支應。嗣後給

發錢糧。令該監督封存公所。每月各工所用銀數。以次登填於堂印簿內。彙總稽查。不必泥於某工之銀。定為某工之用。○十九年奉

旨。琉璃窯滿漢監督。均著一年更代。○嘉慶十六年奏

准各工取用琉璃料件。查照估定色樣數目。造具細冊。備文咨部。由營繕司覈算錢糧。飭令監督領帑。如式燒造。依限解工應用。近來各工程處。有照例造冊備文咨取者。亦有並不咨取。由本工自行燒造者。辦理既未畫一。殊非慎重工程之道。嗣後凡有修造各工。需用琉璃脊瓦料

件。仍遵定例。各該工程處。先行造冊。備文咨部。照例覈算錢糧。飭窰戶領項燒造。解工應用。以歸畫一。○二十年議准。嗣後

內廷照常活計需用瓦料。務須照例先行備文造冊送部。付窰燒造。送工。如原估外續添工段。即由原估覆勘。造具續估樣式件數單冊。知照工部備案。方准覈給錢糧。儻有欽奉

諭旨。於原估外添改工程。因需用緊急。覆勘不及。亦須於奉

旨之日。先行知照工部。聲明添改緣由。造具色樣件

數由工部付窯燒造。後補具印文備案。方准裁
銷。○道光五年奏准。在城廠窯久廢。嗣後琉璃
料俱均改歸西山窯燒造。

臨清窯燒造細瓶。○順治二年定。部委司官一
人提督臨清瓶廠。兼理繡務。歲支額設瓶料銀
二萬四千兩。燒造城瓶六十萬。斧刀瓶四十萬。
○七年題准。額設瓶料銀。自本年。起。歲發銀萬
兩。照銀數豫辦。以備帶運。○八年奉

旨。臨清廠燒瓶。費給累民。應行停止。原委官撤回。其造
過坯片。所費工本。並民船長短帶載納價。概行豁免。

○十四年復差本部司官前往臨清會同該道
燒造水澄細甌應用工料於本省司庫支用工
完造冊報部發銷○十八年題准停止臨清甌
差○康熙十八年復差本部司官會同山東巡
撫動正項銀糧二萬兩燒造滾子甌運價即於
本項錢糧內銷算○二十八年奏准

陔叢書用臨清甌行令山東巡撫豫行燒造二萬塊交
糧船帶運○五十八年題准山東省臨清甌停
其燒造於濰泉地方令鋪戶照臨清甌式樣燒
造如遇有必需之處報部定數咨取○乾隆四

十一年奏准重修

紫禁城牆需用臨清甃三十萬塊。令山東巡撫燒造。搭解運送通州。○四十七年奏准通州廠臨清甃所存無幾。令山東巡撫燒造五萬塊。搭解運送通州。○五十一年奏准山東省臨清甃窯原建二十四座。因近窯地段積年取土造坯已成水窪。嗣後移建十二座。○嘉慶二年題准山東省臨清甃窯原建二十四座。除乾隆五十一年擇地移建十二座外。其餘十二座近窯地段積年取土造坯。俱成水窪。照例擇地移建。○七

年奏准辦解臨清甄令臨清州眼同解員逐塊
敲驗由糧船裝載齊全飭令解員隨船押運赴
部驗收如有缺角破碎將甄價著落解員賠繳
○道光四年奏准臨清州承造臨甄自嘉慶二
年修建甄窯十二座後六年又改建甄窯十二
座內有八窯略加修理尚堪燒造其餘四座與
六年改建之十二座俱經坍塌必須另行移建
且地畝歷年取土俱成灣坑亦須另擇地基以
備燒造今又購買窯廠四處每處建蓋窯戶土
房六間每窯挑井二孔○十年

諭烏爾恭阿等奏查驗運到臨清甃塊難以選用一摺
昌陵

聖德神功碑樓工程需用蓋面海墁大甃據烏爾恭阿
等將山東委員運到者詳加察驗甃質粗鬆沙眼太
多難以選用著照所請即由京燒造澄漿甃四萬六
千塊來時備辦於今冬運送到工明春鋪墁所需甃
價銀一萬三千七百十五兩零著於戶部領用工竣
覈實奏銷至此項臨清甃若不砍去外皮尚堪留作
歲終黏砌牆垣之用著工部即令該委員將已運到
工及未運到工之甃全數交易州工部存儲備用其

該省燒造甄價。著在承辦之員名下照數罰賠。不准開銷。

蘇州窯燒造金甄。○順治十二年修造。

乾清宮等宮需用二尺一尺七寸鋪地金甄。部委官至蘇州會同巡撫估計。交地方官動支本省解部正雜改折等銀造辦。○又題准舊例二尺金甄燒造一正一副一尺七寸金甄燒造一正一副。料價繁費。嗣後每副甄十塊內減去七塊止造三塊。○十五年覆准金甄各按一正一副開銷。○康熙十八年題准令江甯巡撫動支正

項燒造二尺一尺七寸金甌萬五十四塊每正
甌十燒造副甌三。○二十七年題准令江甯巡
撫動支正項燒造二尺金甌千四百九十塊一
尺七寸金甌千一百五十九塊每正甌十燒造
副甌一。○雍正三年題准令江甯巡撫動支正
項燒造一尺七寸金甌萬塊。○乾隆四年覆准
一尺七寸二尺及二尺二寸金甌均照順治十
二年康熙十八年正十副三例燒造。○三十七
年修建

寧壽宮殿宇取用二尺金甌八千六百四十塊有奇一

尺七寸金甌萬一千八十塊有奇。令江蘇巡撫敬謹燒造。搭解運抵通州。四十八年。建造辟雍殿座。取用二尺金甌千三百塊。令江蘇巡撫敬謹燒造。搭解運抵通州。五十九年。奏准各處工程需用金甌。換下舊金甌。工竣詳查甌塊數目。殘缺情形。逐一造冊。於奏銷摺內聲明。知照工部查覈。其京中

壇

廟各工。交工部存儲。

內廷各工。交營造司存儲。

陵寢工程。令每年查勘歲修工程之工部侍郎。查驗明確。具摺奏明。一面造冊送部存查。一面即交石門易州兩工部存儲。抵作方條等數。令其就近選用。如實無堪用之數。再行聲明於廠內給發。至行取燒造。毋庸拘定年分。查明實在需用數目尺寸。奏明辦理。○又奏准各處工程取用金瓶。將舊工條何項瓶塊。因何需用金瓶。實在情形詳細查數。於奏估摺內聲明。再行取用。○嘉慶七年奏准各工需用金瓶。原有磨砍分位。應令驗收之員。於查收時詳細查明。缺角缺邊。僅

寬一二分以至八九分。驚紋不至通長者尚屬無礙。磨砍分位仍准其收用。至開銷工料銀兩其清包草索並到通州雇夫墊損等項運費均在解員名下賠繳。如邊角缺寬在一寸以外驚紋至通長者即照破碎甃塊之例將一切工料運費等項銀兩一律著落解員賠繳。

木倉。○順治初年定專委滿司官一人監督一年吏代。○六年題准各工需用架木部委官詣江南會同地方官採買。○八年題准各工需用木植令正定山西江西浙江湖廣五處地方購

買○十五年題准各工需用架木水路不能速到行文江甯巡撫自本年起動支正項歲解二千根備用仍將木植長徑尺寸及用過錢糧數目報部覈銷○康熙六年修建

太和殿令江西浙江湖廣四川督撫訪有採就大材木或山中現產大枏木將長徑尺寸根數並所需錢糧確估報部凡產於民間住屋內及墳塋內之木不得採非枏木及枏木長徑尺寸不中度者不得採○七年題准

太和殿工程需用杉木委官會同江南督撫動支

正項錢糧。照時價買辦。運工應用。○八年

諭。修理宮殿。所用枅木不敷。量將松木開用。停止各省地方採取。○十四年。停止江甯採買架木。○十九年。題准。江甯巡撫。動支正項。先買架木六十根。解部。嗣後仍照舊例。每歲辦解二千根。○二十一年。年具奏。重建。

太和殿。委官分往江南。江西。福建。浙江。湖廣。四川。廣東。廣西等省。會同督撫。尋取合式枅木。杉木。及運費。一併估報。其官弁商民土司人等。有捐助枅木者。視所捐多寡大小。交部議敘。奉

旨。該委員及地方官毋藉端生事。若累土司擾害民人。通行禁飭。○二十三年議准採運木植工價腳費。該地方官捐輸運京。如有不敷。督撫具題戶部撥給正項。其江南等省公署柅木並商販杉木停其運送。○二十六年奉

旨。四川酉陽柅木產於崇山懸巖。若必令其輓運。恐致有累土司。著免解送。○又

諭。向來各省捐銀輸木。名為急公。不過先報虛數。並無交庫。即行具題。希圖利己。及至實在支用之時。皆係科斂民財。以充原數。甚至用少徵多。仍侵漁肥己。即

此一事他皆可知。總因沿習陋弊，視為固然，以致滋累民生。殊非實心急公之誼。著通行嚴飭。○又題准。今江南、江西、湖南三省動支正項，每歲各辦解椀木二十根，杉木三百八十根，江南解架木二千四百根，江西、湖南各一千四百根，每省各解桐皮杉槁二百根，浙江省捐辦架木一千四百根，桐皮杉槁二百根。○又議准直隸省房山縣額存楸棍山地，每歲應解楸棍十九萬一千二百九十八根到部，以備各工取用。○二十七年覆准，嗣後採買竹木等項，即動支正項錢糧採

買。年終奏銷。○三十四年重建。

太和殿應用木料奉

旨。停免採取一應工料。發帑購買。○三十五年題准。梔木杉木架木。存儲者足用。停其辦解。○三十八年題准。令江南江西浙江湖南。仍照舊例。每年辦解梔木杉木架木。○六十年題准。木倉監督。委本部滿漢司官各一人管理。一年更代。○又題准。木倉現存楸棍十萬有奇。嗣後令各管工官。於工竣時按數繳回。足數各工取用。房山縣額徵楸棍。停其辦解。○雍正五年覆准。行令步

軍統領嗣後凡有官房拆卸枿木驗明報部委
官運存木倉以備各工應用。○十一年題准木
倉滿漢監督一年差滿如一同更代恐新委之
人一時未能諳練嗣後一年期滿新舊滿漢監
督互相更代。○乾隆二十六年奏准各省辦解
年例木植令承辦之員遵照定例辦解工部照
數查收於起解原批內鈐用印信給發該撫以
清年款如有較額定長徑丈尺短少照例覈減
追繳歸款辦木之員指明叅處。○三十年奏定
湖南省解到桅木俱與額定丈尺相符其江西

江蘇二省。務令照依部定長徑丈尺採辦。儻大木實難足數。添補總不得過三四根。至所解杉架槁木。均分為三等。頭等杉木長三丈。大徑一尺三寸。小徑七寸。二等杉木長三丈。大徑一尺二寸。小徑六寸。三等杉木長三丈。大徑一尺一寸。小徑五寸。頭等架木長三丈。徑五寸。二等架木長二丈九尺。徑四寸五分。三等架木長二丈八尺。徑四寸。頭等桐皮杉槁。長二丈五尺。徑四寸三分。二等桐皮杉槁。長二丈四尺。徑四寸。三等桐皮杉槁。長二丈三尺。徑三寸五分。俟採辦

齊全。委員量驗。於文批內填註。解部查收。○三

十二年

論

天壇內舊建望銜杆。年久已需更換。自當及時採覓備用。此係

壇內所需。自應動正項報銷。著傳諭阿爾泰妥協辦理。欽此。嗣據四川省於三十四年解到銜杆杉木七根。枌木三根。杉戲木二十根。枌戲木十根。三十三年覆准湖南江西等省木植運至江南。改繫小筏。定限兩月趕繫完竣。如水漲風阻。或

行抵清河縣遇惠濟牖水勢洶湧難行。許委員
結報咨部俟水退風息亦即催趨依限起程。加
結咨部備案。○四十四年奏准各省每年額解
木植俱今年清年款。○又奏准各省採辦桅木
務照額定丈尺揀選頭稍勻直採辦。偶有一二
不能合式者准其添補不得藉有添補之例。將
額辦桅木二十根概行均勻牽算搭解。並將額
辦丈尺於報部文內分析聲明以備查覈。○四
十五年

諭廣渠門外神木傍周圍砌做欄杆上搭天棚務須活

動成造。以便晴雨時易於啟閉。欽此。遵。

旨議定。前項罩棚。用架木搭做。長八丈。寬三丈。檐高一丈。周圍柱腳。用青砂石墩二十箇。頭停用木板。分肩搭蓋。柿黃油飾。安錠鉤搭等項。俱係活落成造。以便啟閉。四圍安砌青砂石欄杆。並安裝木柵欄。以資欄攔。每年於春深雨水之前。派員支搭。俟深秋後。即行拆卸。一切物料。就近廟內存儲。令巡捕三營派員弁。時加看守。○四十七年。奏准倉存桅杉木。植給發無存。令湖南江西江蘇三省。各辦解桅木二十根。杉木六百根。○

四十八年奏准

地壇望銓杆木植。黓朽損壞。令湖南、貴州、四川、江西、江蘇等省。無論柎木、杉木。頭稍勻直。長至十丈以外。大徑二尺五寸。小徑一尺四寸之料。即速採辦一根。○四十九年奏准。倉存桅杉木植。給發無存。令湖南、江西、江蘇三省。各辦解桅木四十根。杉木八百根。○五十年。四川解到

地壇望銓杆。杉木正木一根。備木二根。戩木九根。○五十一年。奏准。倉存桅杉架木。給發無存。令湖南、江西二省。各辦解桅木四十根。杉木八百根。架

木四千根。江蘇省辦解桅木四十根。杉木八百根。架木八千根。浙江省辦解架木四千根。○五十二年奉

旨。嗣後所做活計。取用杉木。俱寫湊長丈尺。○五十七年。令四川總督採辦

地壇望銜杆木植。長十二丈。以外大徑三尺。內外小徑一尺五六寸。木植二三根。無論柀木杉木。解京應用。○嘉慶二年。四川解到

地壇望銜杆。杉木正木一根。副木二根。餞木十二根。○又奏准。倉存桅木不敷給發。令湖南江蘇江西

三省每年每省除額解外。各添辦桅木二十根。其杉木一項。足數取用。仍照常額辦解。至湖南。江蘇。江西。浙江四省。每年額解架木。存倉甚多。停其辦解。○又議准。倉存架木。自停辦以來。連年各工取用。所存無幾。令江蘇。江西。浙江等三省。仍照年例額定辦解。江蘇。江西二省。每年各添辦一千根。浙江省每年添辦二千根。○三年奏准。

天壇望鐙杆。木植。斲朽。令四川。湖南二省。採辦頭稍勻。直長至十二丈以外。大徑三尺六七寸。小徑一

尺五六寸杉木各二根。並長六丈以外。戲木各六根。○又議准江蘇省除額解桅杉架槁木分為三等。原有長徑丈尺定例外。其辦解年例架木一千根。分為三等。頭等長二丈八尺。圍圓一尺三寸。二等長二丈七尺。圍圓一尺二寸。三等長二丈六尺。圍圓一尺五分。○又奏准內務府修造工程。取用杉木毛竹。俱寫湊長丈尺。奏銷黃冊。即按取過湊長丈尺繕寫。○六年。四川省解到

天壇望銜杆。杉木二根。戲木六根。○又奏准倉存桅杉

架木不敷給發。令江西江蘇各辦解桅木二十根。杉木六百根。架木二千根。浙江辦解架木二千根。湖南辦解桅木二十根。杉木六百根。架木二千根。並令將暫停架木一千六百根。仍按年辦解。○七年奏准各省辦解木植等項。均照湖南省專委丞倅等官採辦運解。並令木植採辦齊全。委員會同解員。照依定例長徑丈尺。逐根量驗。出具頭稍勻直。並無絲毫徑寸不數印結。先行送部。儻解員沿途遇有事故。由沿途督撫另派丞倅等官接運。亦令逐根量驗。並有無短

少鈔朽丈尺不數之處。分析聲明。出具印結。先行送部。以專責成。○同治十二年。奏准。四川省採辦

天壇望銓杆木植。紮成木牌。用輪船拖帶。自上海運津解京。

木廠。○順治初年。定通州張灣二處。各設木廠。每廠差筆帖式二人。驗收運京木植。○康熙二十六年。題准。通州木廠。停差筆帖式。將潘桃古北等口運解木植。歸通惠河分司管理。造冊報部。其張家灣木廠。於本部司官內選一人監督。

管理一年更代。凡江南、江西、浙江、湖南、辦解、桅、杉、架、槁等木到日。部委官丈量記印。斧號後。交該監督如數暫行收存。俟部委運木官到廠。即將木植照數點驗。交運木倉。額設廠役八名。以資看守。○四十年題准。裁通惠河分司。通州木廠歸通水道管理。○乾隆三十年奏准。裁減額設廠役四名。○四十九年奉

旨。嗣後各省解到木植。著工部會同總理工程處查驗。分別應用。

灰石。○順治初年定。大工需用石灰。委本部官

開採燒造於大石窩採白玉石青白石馬鞏山採青砂石紫石白虎澗採豆渣石牛欄山採青砂石石景山採青砂石青砂柱頂階條等石其青白石灰於馬鞏山磁家務周口懷柔等處置廠燒造運京應用○十六年覆准灰石二差併為一差○康熙三十五年奉

旨辦買石灰著照戶部專設監督一人管理○四十五年題准大工需用石灰選工部司官請領工運價值開採燒造冊報覈銷事竣撤回